

Шогшо эл, порымиз да гим верг!



Будь готов/ ЯМДЕ ЛИЙ

1933 ий 1 февраль годсек лектеш.

0+

Фотопроект



Фотом еш архив гыч налме.



Лудса:

Советский району-со Өрша школын тунемшыже Миша Петров «Душа России» республикысе калык усталык йоча фестивалыште «Фотоэссе» номинацийыште 2-шо вер дене палемдалтын. Эссем лудаш темлена.

3

«Мыйын йоча пагытем - сар» россияысе видеоролик конкурсыш ушнаш ўжыг. Конкурсыш йодмашым да видеороликым 1 сентябрь марте колтен шуктыман.

4

Шернур район Шудьмарий школын 5-ше классшым тунем пытарыше Лиза Соловьёва «Пүртүс дене пырля» конкурсышто сенышыш лектын. Ик сүретыште сар ден пүртүсым мастарын сүретлен ончыктен.

5

Лаштыкыште сарлан пөлеклалтше ятыр уштодышым муыда. Марий почеламут корнылам, танк-влакын лүмыштымат шарналтеда.

6

ПОДПИСКЕ

«Ямде лий» газетлан кажне тылзын 15 числа марте почто отделенийлаште возалташ лиш. Ак – 346 тенгеат 62 ыр. Индекс – 14696.

Реклама



Газет мучко лүдыктыш-влакым шылтыме. Мынярым муында, возен колтыза.

СНИМКЫШТЕ Медведево район Руэм школын 9-ше классшым тунем пытарыше Настя Ивановам ужыда. Тудо «Поро Чонан-влакын «Надежда» Республикышт» йоча организацийын активистше, «Репортёр» школ редколлегийын лидерже, волонтер, Россияысе школьник-влакын толкыныштын Марий Элысе полкажын инструкторжо. Настя сынымутлан шүман. «Любимая книга» всероссийский сочинений конкурсышто сенышыш лектын. «Артек» тўнямбал йоча рўдерыште лиймыж годым «Поэты и прозаики» сылнын лудмаш конкурсышто ончыл верым налын. «Воспоминания о лете» сылнымут конкурсышто 2-шо вер дене палемдалтын.

Семүзгар ешаралтын

КУЛЬТУРА

НАЦИОНАЛЬНЫЕ
ПРОЕКТЫ
РОССИИ

«Культура» нацпроект почеш У Торъял посёлкышто у типан модельный книгагудым 1 октябрьште почыт. Библиотеке тиде пашалан 10 миллион тенге федерал оксам налеш. Верысе калыклан у технике дене пойдарыме, йöнан условийыште лудаш да шинчымашым пойдараш йöн лиш. Тушто пöлем-влакым ачалат, мебельым, офис техникым налыт, фондыв пойдарат. Книгагудым кеч-могай жапыште кинозалыш, изи галерейыш, концерт залыш, мастер-классым, лекцийым, усталык мастерскойым эртарыме верыш савыраш лиш. Түн сомылжымат арален кода.

Х.АЛЕКСАНДРОВА.



Фотом Интернет гыч налме.

ныл баяным, кум пианиным, кок ноутбукым, интерактивный доскам да нотный литературым пуэныт. Эше «Юпитер» лүман кок концерт баяным июньшто кондат.


– Параньга посёлкысо Йоча сымктыш школышто тунемше-влакын сешымашышт моткоч шуко. Тек тиде семүзгар-влак кугу пöлек лийыт, – ойлен Марий Эл Республикын тўвыра, печать да калык-влакын пашашт шотышто министр К.А.Иванов.

Марий Элысе сымктыш школ-влаклан семүзгарым, оргтехникым налеш тений 17,3 миллион тенгем ойырымо. Модернизацийым республикысе эше ныл учреждений вуча.

Е.ИВАНОВА.

Историйым шергалына

Император Наполеонын армийже 1812 ий 24 июньшто, сарым увертарыде, Российышке керылтын пурен. Тушман вашта-реш 240 тўжем салтакан руш армий шогалын. Нуным генерал-влак: М.Барклай-де-Толли, П.Багратион, А.Тормасов – вуйлатеныт.



Вучымо пагыт

Кежеж – эн вучымо пагыт. Чевер кече шыратен онча. Йырым-ваш ужар тўс озалана. Пеледыш-влак моторын пеледалтыт. Мый модаш да йўштылаш кошташ йöратем. Каникулем веселан да пайдалын эрта манын шонем.

Эвелина ВАСИЛЬЕВА.

Волжский, Карай.

Ку-
жэ-
нер

районыш-
то 12 ден 14 ияш
рвезе-влак вўдыш
пуренгаеныт.

Йоча-влак, тўткө
лийза! Кугыен-
влак деч посна
вўдыш ида пура.



Илышым – у семын

Шўргыял школ Российын кечыжлан пöлеклалтше акциялашке уло кумылын ушнен. Российын кечыже вапеш «Когылым ыште да таум каласе» акций кышкарыште Анна Анисимова когылым кўзштын да ўмбакеже Россий элнан флагшын сўретшым веранден. Кирилловмыт еш элнан флагше форман когылым (снимкыште) ямдылен. #ОКНАРОССИИ флешмобышко ятырын ушненыт. Пенгыдын каласен кертына: онлайн формат йоча-влакым илышым у семын ончалаш тунуктен.

Е.В.ГРИГОРЬЕВА, туныктышо.

Морко район.

«Символы России. Великая Отечественная война: подвиги фронта и тыла» всероссийский конкурсум увертарыме. Тушко 10-16 ияш йоча-влак ушнен кертыт. Йодмашым 11 октябрь марте колтыман. Иктешлымашым 19 ноябрьште ыштат.

11-ше классым тунем пытарыше выпускник-влак икымше экзаменым географий, литератур да информатике дене 3 июльшто сдатлаш тўналыт. Тўрлө амаллан көра июльшто экзаменыш толын огыт керт гын, августышто ешартыш йöн пуалтеш.

Всероссийский сочинений конкурсун регионысо этапше тўналын. Тудо 15 июнь гыч 3 октябрь марте шуйна. Конкурс кум этап дене эртаралтеш. I этапыш ушнаш йодмашым 5 сентябрь марте колтыман. Сочиненийым рушла, марла да курыкмарла возаш лиш. Тўрыс уверым vks.edu.ru, edu.mari.ru сайтлаште ончыза.



Советский районсо Ырша школын 2-шо классным тунем пытарыше Миша ПЕТРОВ «*Душа России*» республикысе калык усталык йоча фестивалыште «Мультимедийное творчество» направлений дене «Фотоэссе» номинацийыште 2-шо вер дене палемдалтын. Мишан эссежым лудаш темлена.

2020 ий – Шарнымаш да чап идалык.



«Тый Михаил, а мый Миша улам», –

«Тый Михаил, а мый Миша улам»

улыда!» Кугезе кочам 1989 ийыште илыш дене чеверласен. Авам 7 ияш

лач тыге, очыни, кугезе кочамым Михаил Яковлевич Виногоровым (**снимкыште**) ужмеке ойлем ыле. Тудын лумжым мыланем пуэныт. Кочам пенгыдын йодшо, чыным йоратыше, поро кумылан лийын. Кугу Ачамланде сар годым ятыр шучко суретым ужын.

М.Я.Виногоров Советский районсо Русъялыште 1905 ийыште шочын. 1941 ийыште фронтыш каен. Сар пытымешке, стрелково-лыжный батальонышто кредалын. Ятыр гана сусыркен. Пытартыш сусыржо эн неле лийын. Тылеч вара пурла кидше пашам ыштымым чарнен.

Тудын нерген тетла нимат огына пале. Кочам изиракше годым ачаж деч сар нерген йодыштын. Но эре икгай вашмут йонген: «Йосö лийын. Эргым, тидын нерген тыланет палаш ондак. Тендам шучко чын дене лудыктылаш огыл кредалынна. Те у илыш дене илышаш

лийын гынат, күртнө коробкаште кочажын наградыже-влакым аралымыжым сайын шарнен кодын. Изирак уныкажлан эре ойлен: «Тиде коробкаште Пиалым аралем. Пиаллан верч тушман дене кредалаш пернен».



Кочай, тый мемнан шумьштына улат. Мый тыйын луметым нумалам гын, икшывем да уныкам-влаклан тыйын нерген каласкалаш туналам. Тыйын лумет – Ушнур селаште верланыше Кугу Ачамланде сарын геройжо-влаклан полеклалтше обелискыште. Мый тый денет кугешнем.



Чапланыше муро

«День Победы» муро 9 Май пайремын гимнжылан шотлалтеш. 1975 ий мартыште, Кугу Ачамланде сарыште сенымашлан 30 ий вашеш, СССР композитор-влак ушем «Кугу Ачамланде сар нерген эн сай муро» конкурсым увертарен. Поэт В.Г.Харитонов мутым возен.

Семым композитор Д.Ф.Тухманов кельштарен. Икымше гана ты мурым Давид Фёдоровичын пелашыже Т.А.Сашко йонгалтарен. Тунам мурым критик-влак күлеш семын аклен огытыл.

Ты ийынак «Юность» газетын редакторжо мурым Лев Валерьянович Лещенколан ончыктен. Алма-Ата олаште гастрольышто улмыж годым мурым икымше гана мурен. Калыкклан муро чот келшен. 1975 ий ноябрь тылзыште МВД хор дене вияш эфирыште «День Победы» муро йонген. Тиддеч вара тудо кумдан палыме мурыш савырнен. Л.Лещенко «Муро-75», «Муро-76» фестивалыште ты муро дене калыкым куандарен. Тыгак М.М.Магомаев, И.Д.Кобзон, Э.С.Пьеха мурыныт.

Е.ИВАНОВА ямдылен.



Акций

«Шарнымаш сорта» тунямбал акций тений онлайн эртаралтеш. Тышке кажне кумылан ушнен кертеш. Виртуал сорта – Кугу Ачамланде сарыште лийше ветеран-влаклан медицине полышым пуаш ешартыш ик тенге. Погымо окса «Память поколений» поро кумылым ончыктышо фондыш кая. «Шарнымаш сортам» деньпамяти.рф сайтыште 15-22 июнь марте чукташ лиеш.

22 июньышто 12 шагатат 15 минутлан, ик минут шып шоген, сареш вуйым пыштыше-влакым шарналтена.



Синквейн

Сар
Шучко, мондалдыме.
Мугыра, пудештеш, волгалтеш.
Шуко еным нангая.
Кредалмаш.
Олеся ВОЙКИНА.

Шернур, Эшполдино.

Сенымашлан – 75 ий



2020 ий – Шарнымаш да чап идалык.

Пытартыш граната

Граната, граната, ўшан йолташем,
«Кугу тау» мутым тылат каласем.
Кузе тые полшышыч, мые шарнем.
Чыла тидым кызыт радам ден ойлем.
Ик шокшо бой годым, сентябрь эрден,
Тушманын пуляже йолем сусыртен.
Ен-шамычын коштмо
йолгорным шымлен
Нушкам мый чашкерыш,
кок велке ончен.
Ужам теве рашын: мылам ваштареш
Немецкий ефрейтор
чашкер гыч лектеш.
...Фашистын чак толмыжым
вургыж вучен,
Вынемышке возым, гранатым кучен.
Лу метр тораште, йонгалтын виян,
Пудеште граната фашист ончылан.
– Граната, граната, ўшан сай йолташ,
Утарышыч мыйым – илаш, кредалаш!

В.РОЖКИН.

Историйым шергалына


1945 ий 24 июньышто 10 шагат эрдене Москосо Йошкар площадьыште Кугу Ачамланде сарыште фашист Германиям сеныме лүмеш Сенымаш парад лийын. Тудым маршал Георгий Жуков вуйлатен.

«Парад, смирно!» команде деч вара «Колыштса чылан!» сигнал шоктен да военный оркестр «Славься, русский народ!» гимным йонгалтарен. Г.Жуков калыкым сенымаш дене саламлен, вара Совет Ушемывн гимнже элна мучко йонген.



Пий утарен


Ковамын ойлымыж гыч палем: кугезе кошам Кугу Ачамланде сарыште кредалын. Кошамын лүмжө – Исакай Танцитович Танцитов (снимкыште). Тудо Пошкырт кундемывсе Белебеевский район Ардаш ялыште 1918 ий 24 декабрьыште шочын. Кошам сарыште связист лийын, Волховский фронтышто кредалын. Фронтышто пий-влакым совет салтак-шамычым утараш туныктеныт.



Икана кошам купышто мўшкыржым эмгатен. Туныктым пий-влак тудым вўд гыч шўдырен луктыныт. Пареммекеже, Исакай кугезе кошам угыч фашист-влак ваштареш кредалын. Кошам Кёнигсберг ола марте шуын. Сар гыч пўртылмекше, лесниклан да колхозышто трактористлан пашам ыштен.

Ксюша АХМАДИШИНА.
Пошкырт, Мишкан, Ардаш.

Кочай гай лийнем



Кугезе кошам Василий Андреевич Александров (снимкыште) Кугу Ачамланде сар годым Тихвин ола гыч Кёнигсберг ола марте шуын. 1943 ийыште, нелын сусыргымеке, госпитальыш логалын. Тўрланымекше, Псков, Новгород ден Прибалтика кундемлам утарымаште лийын. Кугу Ачамланде сарын II степенян орденже, «За боевые заслуги» медаль дене палемдалтын. Сар деч вара колхозышто пашам ыштен, мер пашаште чолгалык-шым ончыктен. Тудым Сар да паша ветеран-влак советын председательжылан сайленит. Кочай, мый тыйын гай патыр лийнем!

Катя МАМАЕВА.

Шернур, Шўдымарий.

Факт

★ *Марий филармонийын артистше-влак сар жапыште фронтовой бригадым чумырненыт. Тудым Павел Тойдемар вуйлатен. Фронтовой бригаде салтак-влак ончылно 1165 концертым ончыктен.*

Конкурс

Российыште «Мыйын йоча пагытем – сар» видеоролик конкурсым увертареныт. Видеошто Кугу Ачамланде сар годсо йоча, оккупацийыште, концентрационный лагерьлаште лийше, сарыште кучедалше, тылыште тыршыше, 1922 ий деч вара шочшо-влак нерген каласкалыман.

Сеныше-влакым кум номинацийыште аклаш тўналыт.

★ «Икымше лица дене» – геройын каласкалы-машыже

(монолог але интервью-монолог).

★ «Волонтёр оила» – конкурсыш ушнышын монологшо.

★ Соцкыллаште #ЛичноОВойне #моёдетство-война видеоролик флешмоб.

Видеоролик-влакым тыгай темыла дене воязаш лиеш: лишыл ен-влак, школ, шужен илы-маш, йўштў, тушман, келшымаш, польш, шып ыштыме подвиг, шочмо эл да ятыр молат.

Конкурсыш ушнаш йодмашым да видеороликым 1 сентябрь марте колтен шуктыман.

Сенымашлан – 75 ий



«Ямде лий» 2020 ий 20 июнь



Лүм: Юта Бондаровская (Ия В. Бондаровская).

Шочын: 1928 ий 6 январь, Ленинград кундем, Залазы ял.



Подвиг: 1941 ийыште, пörъен вургемым чиен, шужышо, күчен коштшо йоча гай койын, партизан-влаклан уверым поген. Эстонийысе икымше партизан отрядыште разведчик лийын.

1944 ий 28 февральыште Чудской ер воктенысе Роостя хутор (Эстоний) воктене ўмыржō лугыч лийын.

Чап: Отечественный война орден, «Партизану Отечественной войны» медаль дене палемдалтын.

Юта Бондаровская лүмеш теплоход уло. Петергофышто (Санкт-Петербург) ик урем лүмжым нумалеш.

#пионер ГЕРОЙ

2020 ий – Шарнымаш да чап идалык.



Курский кучедалмаште

Кугезе кочам Иосиф Фёдорович Патрушев 1924 ий 8 майыште шочын. Кочам Курский кучедалмаште лийын. Тудын частьше Прага марте шуын. Тушто кочам Сеньгымаш кечым вашлийын. Иосиф Фёдорович Кугу Ачамланде сар орден дене палемдалтын. Сар деч вара ковамым, Зинаида Григорьевнам, вашлийын. Нуно кандаш икшывым ончен куштеныт.

Даша КУРОЧКИНА.

Кужэнер школ.

Война айдемым терген

«Ужга» ойлымашым («Ямде лий», 2020 ий 6 июнь) лудмо деч вара.

Школыштат, мөнгыштат мыланна «илыш корно» нерген каласкалат. Кузе тиде корно дене кочкыш, ўзгар, ег-влакым шупшыктеныт. «Ужга» ойлымашыште тидын нерген ойлалтеш. Сар жапыште шуко йоча тулыкеш кодын. Нуно түрлө верыште иленят: уремыштат, ег-влакын тошто пörтыштыштат. Кочде коштыныт, телым моткоч кылменят. Ятыр йöсым чытеныт. Кугыен-влак йоча-влакым чаманеныт. Икманаш, сар айдемын койышыжым, могай чонан улмыжым терген. Автор ойлынеже: кеч-кунамат айдеме чурийжым йомдарышаш огыл.

Яна ДМИТРИЕВА.

Морко, Коркатово.

32 ий – туныктышо

Мыйын кугезе кочам – Василий Петрович Петров (снимкыште).

Тудо Морко районусо Кугу Шале ялыште 1924 ий 10 августышто шочын. Кугу Ачамланде сар тўналмеке, кугезе кочам фронтышко каен. Сар пытымеке, тўналтыш класслашке коштшо ўдыр-рвезе-влакым туныктен. Йöратыме пашажым 32 ий шуктен. Пелашыже София Алексеевна Алексеева дене пырля ныл икшывым ончен куштеныт: Олег, Владимир, Игорь, Лидия.

Валерия ПЕТРОВСКАЯ.
Морко, Купсола.



Пүртүс да сар

Шернур районышто «Пүртүс дене пырля» сўрет конкурсым иктешленыт. «Природа – жертва войны» номинацийыште Шўдымарий школын 5-ше классыым тунел пытарыше Лиза Соловьёва (снимкыште) сеғышыш лектын.

– Мый вич ияшак сўретлаш тўналынам. Ачам – чылт художник. Тудо чиям чын ойыраш, тудым кагазыш пышташ туныктен. Мый пүртүсым сўретлаш йöратем. Тудын моторлыкшо мыйым кумыланда. Школышто ИЗО дене туныктышо Кристина Михайловна Никифорова күлеш ой-кағашым пуа, – ойла Лиза.

Ўдыр сўретшым кок ужашлан шельын. Ик могырышто – пүртүс, юарлыше, ойгым палыдыме йоча-влак, вес велне – сар годсо сўрет. Сарым ончыкташ манын шемалге чия-влакым кучылтын. Тачысе да ожнысо илышым пиалан ош көгөрчен ойыра. Моткоч сай шонымаш!

Х.АЛЕКСАНДРОВА.



Фотом еш архив гыч налме.

Төрлатымаш

«Ямде лий» газетын 23-шо номерыштыже «Василий Иванович СОЛОВЬЁВЛАН Совет Ушем Герой лүмым пуымылан 4 июньышто 75 ий темын» олмеш тыге лудман: «Василий Иванович СОЛОВЬЁВЛАН Совет Ушем Герой лүмым пуымылан 4 июньышто 76 ий темын».



Сенгымашлан – 75 ий

«Ямде лий» 2020 ий 20 июнь






2020 ий – Шарнымаш да чап идалык.

Задаче

Кугу Ачамланде сар жапыште мемнан элыште 13 миллион винтовкым, 6 миллион пистолет-пулемётым, 1,5 миллион пулемётым ыштеныт. Тиде жапыштак Германийыште 8,5 миллион винтовкым, 1 миллион пистолет-пулемётым, 1 миллион пулемётым луктыныт.

Мемнан элыште мыяр саргураллан (оружий) шукырак лийын?



Кок икгай сарзыеҥым муза да чиялтыза.

Танк-влакын лиймыштым палыза да сиретымт дене ушыза.



КВ-85

ИС-3

Т-34




Йоча-влак, тиде радына кузе маналтеш? Кө сүретлен? Марий калыкын могай йўлажым ончыктым? Сиретым 6-7-ше класслан «Марий йылме» учебник гыч налме.



Кок поэт, кок фронтовик – Семён Вишневский да Миклай Казаков – сар нерген ятыр почеламутым серен. Йоча-влак, палыза, кудыжо тыге возен.

Йоча-влак, теат сиретда-влакым мыланна колтыза.

Почеламут корныла	М.Казаков	С.Вишневский
Ме Берлиныш корным кучена		
Илаш-колаш кредалын калыкна		
Кум ий эртыш, кредал илена		
Неле саржат, куатле саржат		
Но ятыр йолташем, чама-ныде, сар пушто		
Тушманжым кө сега ыле вара?		



Саша СТЕПАНОВАН сүретше. Волжский, Упшер.

Факт

14 землякна – кум степеня Чап орденын кавалерже.



Сенгымашлан – 75 ий

В.СМИРНОВ ямдылен.



«Ямде лий» 2020 ий 20 июнь

Печать да массовый коммуникаций шотышто федерал агентствын окса польшыж дене лукмо.

21 июнь –
Ачан кечыже.

Ачай!

Кузе мый тыйым
йоратем,
Кузе мый тыйым пагалем,
Улмет дене кугешнем
Да пеленет лияш тыршем.
Ом пале ойгым тый денет,
Сайлан гына тый
туныктет,
Ешет верч чот тургыжланет.
Таум ойлем мый тыланет!

Виолетта АБЛИНОВА.
Йошкар-Ола, Наци-
ональный президент школ-
интернат.



Ок лий тыршыде

Паша шуко пакчаштем,
Аваемлан мый полшем.
Теве шүкым сомылем,
Вүдымат эр-кас шавем.

Тыршыде ок лий йоршешак,
Аваемлан полшыдеак.
Вет паренгыжым, калтак,
Йоратем кочкаш эртак.




Кенеж гоч тый чот тыршет гын,
Пүжвүдетым йоктарет гын,
Тунам веле тельлан
Саскалан лият поян.

Соня АХМАНОВА.
Шернур, Куракин.

19 июнь –
Йоча футболын
түнямбал
кечыже.

Картон кагазыште шестиугольник ден пятиугольни-
кым сүретлыза. Шестиугольникийн ваштарешла шогышо
лукшо-влак коклаште 9 см лийпаш, пятиугольникийн – 7,5 см. Тиде шаб-
лоным кучылтын, тыгаяк кугытан ош тўсан 20 шестиугольникийм, шем
тўсан 12 пятиугольникийм сүретлыза, корымо вер деч ешартыш 1 сантимет-
рым кодыза. Вара пүчкын лука. Умбакеже схеме почеш ыштыза.

Мастар кид



Мече ямде.

21 июнь –
Музыкын түнямбал
кечыже.

Икымше гана тиде пайремым
1982 ийыште Францийыште пайрем-
леныт. Тиде кечын музы-
кант-влак уремыште
концертым яра
ончыктат.

Мыйын шуко йолташем уло. Даниил,
Айна, Ульяна да мый сымыктыш школыш
коштына. Ёдыр-шамыч фортепяно дене, ме
Даниил дене баян дене шокташ тунемына.

Сева НИКИТИН.

Куженер, Шүдымарий.

«Ямде лий» 2020 ий 20 июнь



Сүретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашаш
шотышто министерстве, «Ямде
лий» газет» кугыжаныш уни-
тарный казна предприятий.

Газетым редакцийыште погы-
мо да верстатлыме, «Марий Эл
Республикысе Правительствын типографийже» ООО-што
ямде оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Массовый коммуникаций
сферыште да культур наследийым
аралымаште законодательствым шук-
тен шогымым эскерыше Федеральный
службын Приволжский федеральный
округысо управленийыштыже регист-
рироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шоны-
машышт түрлө лийын кертыт. Серыш-
влак мбнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пёрт.
Тел. 8(8362) 45-22-82(факс)

Мыйын сурт сомылкам



Конкурс

Конкурсышто Йошкар-Ола гыч Кирилл КУЗНЕЦОВ сенен. https://vk.com/yamde_lii түшкасе йўклымаш почеш эн шуко йўкым поген. Кириллым смарт-шагат редакцийште вуча. Моло участник-влаклан – сертификат.

Конкурсым эртараш полшымышлан «Ший памаш» сьлымут фондывуйлатыше В.В.Красновлан кугу таум ойлена!

Пушенге гай

Шич – шогал, шич – шогал,
Лий жаплан пушенге гай.
Кок векла тайналт кап дене,
Шого шып, тарваныде.
Шич – шогал, шич – шогал,
Тыланет эше шагал.
Кум гана торынталте кўшкө,
Ынде верыш шич, ит лўшкө.

Н.ИЛЬИНА.
Волжский, Карай.



Матрешковлаклан ончылсакыш-шамычым кельштарыза.

Түрлө мутым ик мут дене иктешлена:



Йоратыме мыйын кочкыш.

Шуко сумкаштемже вер.



Мыйын тунемшаш арвер.



Улыт кум шўкшудо.

Лев СОШИН.



– Авай, коло тенгем пу. Теке тушто шогышо кокайлан пуэм.
– Могай поро кумылан улат, эргым, – вуйжо гыч ниялта Мичушым аваже. – А кокайже

куштырак?




– Теке, мороженныйым ужален шог.

– Авай! Ачай, бананым кочшыжла, томжым логарышкыже пынден!

– Бананын томжо укес! – орын аваже.

– Мый шўшкынам!

Шотлен лука:



Пырыслан кок икгай пырысыгжым муаш полшыза да чиялтыза.



«Ямде лий» 2020 ий 20 июнь

Интернетесе сўрет-влакым кучылтмо.